

Bosna i Hercegovina  
Federacija Bosna i Hercegovina  
Hercegovačko-neretvanski kanton/županija  
Grad Mostar  
Odjel za privredu, komunalne i inspeksijske poslove  
Broj: UPI-08/3-29-3587/18  
Mostar: 05.09.2018.



Grad Mostar, Glavna savjetnica Grada Mostara na temelju ovlaštenja Gradonačelnika br:02-05-16495/17 od 28.12.2017.god., rješavajući po zahtjevu Izvođaču radova „HP Investing“ d.o.o Mostar & „AMITEA“ d.o.o. Mostar za povremenu obustavu saobraćaja—privremenu izmjenu regulacije saobraćaja na području Grada Mostara, na osnovu člana 70. stav 2. Zakona o organizaciji uprave u FBiH („Službene novine FBiH“ broj 35/05), člana 200. Zakona o upravnom postupku (Službene novine FBiH, broj:2/98), člana 20. i 23. Zakona o osnovama sigurnosti saobraćaja na putevima u Bosni i Hercegovini („Službeni glasnik“ BiH broj:06/06 i 8/17) i člana 2, 9 i 51. stav 1. Odluke o sigurnosti cestovnog saobraćaja na području Grada Mostara („Službeni glasnik Grada Mostara“, broj:15/06), donosi

### Rješenje

**Odobrava se izvođaču radova „HP Investing“ d.o.o Mostar & „AMITEA“ d.o.o. Mostar da u sklopu realizacije projekta izgradnje glavnih kanalizacijskih kolektora grada Mostara, dionice T0b, T1b, T2a i T4b, povremenu obustavi saobraćaj—privremeno izmjeni režim saobraćaja u ulici Maršala Tita, na dionici od raskrsnice sa ulicama Karadozbegova i Osmana Đikića (kod bivše zgrade „SDK“), do raskrsnice sa ulicom Huse Maslića i od Narodnog pozorišta Mostar do raskrsnice sa ulicom Mala Tepa od 15.09.2018 do 31.12.2018.**

Granice gradilišta pomjerati sukcesivno u pravcu sjevera.

Obustavu i izmjenu režima saobraćaja raditi po potrebi izvođenja radova u skladu sa dinamičkim planom izvođenja radova definisano Elaboratom o privremenoj izmjeni režima saobraćaja.

Saobraćajnu signalizaciju postaviti u skladu sa Pravilnikom o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje sudionicima u saobraćaju daju ovlaštene osobe (Službeni glasnik BiH, broj 16/07).

Izvođač radova je obavezan da alternativnim rješenjem omogući pristup dionici ulice Maršala Tita za vozila hitne pomoći i vatrogasna vozila kroz ulice Braće Fejića, Šerifa Burića i Telčevom, te kroz naselje Brankovac ulicom Brkića .

O izmjeni režima saobraćaja izvođač radova je obavezan pravovremeno obavjestiti javnost putem javnih medija ili sredstava informisanja (član 166. Stav 2. Zobs-a BiH, Službeni glasnik BiH broj 6/06).

Regulaciju saobraćaja u datim uslovima nadgledati će P.U. Mostar, u skladu sa članom 166., 167. i 168. Zobs-a BiH, Službeni glasnik BiH broj 6/06.

Sve troškove nastale na putu i okolini snosit će podnosilac zahtjeva.

Nakon završetka radova, Izvođač radova je dužan da svu saobraćajnu signalizaciju, uređaje, predmete i objekte koji su postavljeni ukloni, da vrati eventualno privremeno uklonjenu saobraćajnu signalizaciju, te put i objekte popravi i dovede u prvobitno stanje (član 169. Zobs-a BiH, Službeni glasnik BiH broj 6/06).

## Obrazloženje

„HP Investing“ d.o.o Mostar & „AMITEA“ d.o.o. Mostar, u sklopu realizacije projekta izgradnje glavnih kanalizacijskih kolektora grada Mostara, dionice T0b, T1b, T2a i T4b, povremenu obustavi saobraćaj—privremeno izmjeni režim saobraćaja u ulici Maršala Tita, na dionici od raskrsnice sa ulicama Karadžobegova i Osmana Đikića (kod bivše zgrade „SDK“), do raskrsnice sa ulicom Huse Maslića i od Narodnog pozorišta Mostar do raskrsnice sa ulicom Mala Tepa od 15.09.2018 do 31.12.2018.

Prema odredbama člana 51. stav 1. Odluke o sigurnosti cestovnog saobraćaja na području Grada Mostara („Službeni glasnik Grada Mostara“, broj:15/06) propisano je da se saobraćajna površina može zauzeti u svrhu izvođenja radova samo pod uslovima određenim rješenjem o privremenoj regulaciji saobraćaja.

Razmatrajući zahtjev Izvođača radova „HP Investing“ d.o.o Mostar & „AMITEA“ d.o.o. Mostar, za davanje rješenja za izmjenu režima saobraćaja, smatramo da je zahtjev opravdan.

Na osnovu izloženog odlučeno je kao u dispozitivu ovog Rješenja.

### Uputa o pravnom lijeku:

Protiv ovog rješenja dopuštena je žalba Žalbenom vijeću Grada Mostara, u roku od 8 dana od dana prijema ovog Rješenja.

Žalba se podnosi neposredno putem pošte, a može se izjaviti putem nadležne Službe.

Na žalbu se plaća upravna taksa u iznosu od 10 KM na žiro račun Grada Mostara br:555000020190859, sa naznakom vrste prihoda 722131, šifra Grada 180, kod Nova Banka AD Banjaluka, u skladu sa odredbama Odluke o upravnim taksama s Tarifom Grada Mostara („Službeni glasnik Grada Mostara“ br: 04/10).

### Dostaviti:

1. Podnosiocu
2. P.U. Mostar
3. Služba za inspeksijske poslove
4. a/a

